



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Leges Ecclesiasticae S. Edvvardi Regis Et Confessoris e saecularibus suis
depromptae.

urn:nbn:de:hbz:466:1-15625

ferenter accedat, nec ab hoc minime abstineat, sed cum omni diligentia atque prudentia eligat tempus, quando aliquamdiu ab opere coniugali abstineat, & vitiis se purget, virtutibus exornet, eleemosynis & orationibus insitiat, & sic ad tantum sacramentum accedat: quia sicut periculosest, impurum quemque ad tantum sacramentum accedere, ita etiam periculosest ab hoc prolixo tempore abstinere, sola ratione eorum qui excommunicati, non quando eis libet, sed certis temporibus communicant, & religiosis quibusque sancte viuentibus, qui pene omni die id faciunt.

XLV.

Vt & Missæ quæ per dies dominicos peculiares a sacerdotibus fiunt, non ita in publico fiant, vt per eas populus a publicis Missarum solennibus, quæ hora tertia canonice fiunt, abstrahatur; quia pessimus usus est apud quosdam, qui in diebus dominicis, siue in quibuslibet festiuitatibus mox Missam celebrare etiam pro defunctis si audierit, abscedit, & per totum diem a primo mane ebrietati & comeditioni potius quam Deo deseruit; admonendus est populus, vt ante publicum peractum officium ad cibum non accendant, & omnes ad publicam sanctam matrem ecclesiam Missarum solennia & prædicationem audituri conueniant; & sacerdotes per oratoria nequaquam Missas nisi tam caute ante secundam horam celebrent, vt populus a publicis solennibus non abstrahatur; sed diversi sacerdotes, qui in circuitu urbis, aut in eadem urbe sunt, siue populus, (vt prædictimus) in unum ad publicam Missarum celebrationem, conuenient, exceptis Deo sacrificiis feminis, quibus mos est ad publicum non egredi, sed claustris monasterii contineri.

ANNO CHRISTI LEGES ECCLESIASTICÆ

S. EDVWARDI REGIS ET CONFESSORIS

e sæcularibus suis depromptæ.

TITVL LI LEGVM ECCLESIASTICARVM.

- I. *De clericis & possessionibus eorum.* II. *De temporibus & diebus pacis regis.*

Titl iij

518 LEGES ECCLESIASTICÆ

- III. *De iustitia sancte ecclesie.*
- IV. *De vniuersis tenentibus de ecclesia.*
- V. *De reis ad ecclesiam fugientibus.*
- VI. *De fractione pacis ecclesie.*
- VII. *De decimis ecclesie reddendis, de ouibus & porcellis.*
- VIII. *De apibus, & aliis multis minutis decimis.*
- IX. *De his qui ad iudicium ferri vel aqua iudicati sunt per iustiam regis.*
- X. *De denario sancti Petri, quod Anglice dicitur Romescot.*
- XI. *Quid sit danegeldum, & qua occasione sit constitutum.*
- XII. *De multimoda pace regis, &c. Item de manib[us] archiepiscopi, episcopi, &c.*
- XIII. *De thesauris in terra absconditis & inuentis.*
- XIV. *Quid sit regis officium, &c de Carolo & Pippino* fratre eius *legi fili exemplum.*
- XV. *De baronibus qui suas habent curias & consuetudines.*
- XVI. *De sacha.*
- XVII. *De soca.*
- XVIII. *De thol.*
- XIX. *De theam.*
- XX. *De infangthebe.*
- XXI. *De Iudeis.*
- XXII. *Decretum regis de usurariis.*

INCIPIVNT LEGES SANCTI EDVVARDI REGIS
quas in Anglia tenuit, quas Vvilielmus heres
& cognatus suus postea confirmauit.

P R A E F A T I O.

POSt acquisitionem Angliae Vvilielmus rex quarto anno regni sui consilio baronum suorum fecit submoneri per vniuersos Angliae consulatus, Anglos nobiles, sapientes, & sua lege eruditos, vt eorum leges, & iura, & consuetudines ab ipsis audiret. Eleeti igitur de singulis totius patriæ comitatibus viri duodecim, iureiurando primum coram rege confirmauerunt, vt quoad possent recto tramite incidentes, nec ad dextram nec ad sinistram diuertentes, legum suarum & consuetudinum sancta patefacerent, nihil prætermittentes, nihil addentes, nihil prævaricando mutantes. A legibus igitur sanctæ matris sumentes exordium, quoniam per eam rex & regnum solidum subsistendi habent fundamentum, leges, libertates, & pacem ipsius concionati sunt, dicentes:

LEGES ECCLESIASTICÆ.

I.

Omnis clericus, & etiam scholaris, & omnes eorum res & possessiones vbiicumque fuerint, pacem Dei & sanctæ ecclesie habeant.

II.

Ab aduentu Domini usque ad octauas epiphaniæ pax Dei & sanctæ ecclesiæ per omne regnum. Similiter a septuagesima usque ad octauas paschæ. Item ab ascensione Domini usque ad octauas pentecostes. Item omnibus diebus quatuor temporum. Item omnibus sabbatis ab hora nona, & tota die sequenti, usque ad diem Luna. Item vigiliis sanctæ Mariæ, sancti Michaelis, sancti Ioannis Baptista, apostolorum omnium, & sanctorum, quorum solennitates a sacerdotibus dominicis annuntiantur diebus, & omnium sanctorum in Kalendis Nouembbris, semper ab hora nona vigiliarum, & subsequente solennitate. Item in parochiis, in quibus dedicationis dies obseruatur. Item in parochiis ecclesiarum, ubi propria festivitas sancti celebratur. Et si quis deuote ad celebrationem sancti adueniat, pacem habeat eundo, & subsistendo, & redeundo. Item omnibus Christianis ad ecclesiam causa orationis eundibus pax in eundo & redeundo sit eis. Similiter ad dedicaciones, ad Synodos, ad capitula venientibus, siue submoniti sint, siue per se quid agendum habuerint, sit summa pax. Etiam si excommunicatus aliquis absoluendi causa ad episcopum configurerit, absolutus, eundo & redeundo pacem Dei & sanctæ ecclesiæ habeat. Quod si aliquis ei forisfecerit, episcopus inde iustitiam faciat. Verumtamen si quis arrogans pro episcopi iustitia emendare noluerit, episcopus regi notum faciat. Rex autem constrainat malefactorem, ut emendet cui forisfecerit, scilicet primum episcopo, deinde sibi: & sic erunt duo gladii, & gladius gladium iuuabit.

III.

Vbicunque regis iustitia, vel cuiuscumque sit placita tenuerit, si missus episcopi veniens illuc apparuerit causam sanctæ ecclesiæ, ipsa primitus terminetur: iustum est enim ut vbique Deus præ ceteris honoretur.

IV.

Quicumque de ecclesia aliquid tenuerit, vel in fundo ecclesiæ mansionem habuerit, extra curiam ecclesiasticam coactus non placitabit, quamvis forisfecerit, nisi (quod absit) in curia ecclesiastica rectum defecrit.

Vbicumque reus vel noxious ad ecclesiam præsidii causa confugerit, ex quo atrium ecclesiæ tenuerit, a nemine insequente nullatenus apprehendatur, nisi per pontificem vel ministros eius. Quod si fugiendo domum sacerdotis, vel curiam eius intrauit, eamdem securitatem & pacem habeat quam & apud ecclesiam, dum tamen domus sacerdotis & curia eius in fundo ecclesiæ consistant. Hic si latro vel raptor est, quod male cepit (si ad manum est) reddat: & si illud penitus extirpauerit, & de suo proprio vnde reddat habuerit, in integrum ei cui damnum intulit restituat. Quod si more solito latro taliter egerit, & forte fortuito ad ecclesiam & sacerdotum domos frequenter euaserit, ablatione restituta, prouinciam forisiuret, nec redeat: & si forte redditum fecerit, nullus eum hospitari præsumat, nisi a rege data licentia.

Si quis vero sanctæ pacem ecclesiæ violenter infregerit, episcoporum est iustitia. Quod si nocens sententiam eorum diffugiendo vel arrogâter contemnendo despexerit, clamor de eo deferatur ad regem post quadraginta dies, & regis iustitia mittet eum per vadimonium, & plegios (si habere poterit) usque dum Deo primitus, regi & ecclesiæ postea satisfaciat. Qui si infra triginta & unum dies, siue per amicos aut notos, siue per iustitiam regis inueniri non poterit, vt lagabit eum rex verbo oris sui. Si vero postea repertus fuerit, & retineri possit, viuus regi reddetur, vel caput eius, si se defenderit: lupinum enim gerit caput a die vtlagationis suæ, quod Anglice *Vulfesheofod* dicitur. Et hæc est lex communis & generalis de omnibus vtlagatis.

De omni annona decima garba Deo debita est, & ideo reddenda. Et si quis gregem equarum habuerit, pullum reddat decimum; qui unam tantum vel duas habuerit, de singulis pullis singulos denarios. Similiter qui vaccas plures habuerit, decimum vitulum; qui unam vel duas, de vitulis singulis obolos singulos. Et qui caseum fecerit, det Deo decimum; si vero non fecerit, lac decimo die. Similiter agnum decimum, vellus decimum, caseum decimum, butyrum decimum, porcellum decimum.

VIII.

De apibus vero similiter decima commodi, quin etiam de bosco, de prato, de aquis, & molendinis, parchis, viuaris, piscariis, virgultis, hortis, & negotiationibus, & omnibus rebus quas dederit Dominus, decima pars ei reddenda est, qui nouem partes simul cum decima largitur. Qui eam detinuerit, per iustitiam episcopi & regis, si necesse fuerit, ad redditionem arguatur. Hæc enim beatus Augustinus prædicauit & docuit, & hæc concessa sunt a rege, & baronibus, & populo. Sed postea instinctu diaboli multi eam detinuerunt, & sacerdotes locupletes negligentes non curabant inire laborem ad persequendas eas, eo quod sufficienter habebant suæ necessaria vitæ. Multis enim in locis modo sunt tres vel quatuor ecclesiae, vbi tunc temporis vna tantum erat, & sic cœperunt minui.

IX.

Die illo quo iudicium fieri debet, veniat illuc minister episcopi cum clericis suis, & similiter iustitia regis cum legalibus hominibus prouinciæ illius, qui videant & audiant, ut æque omnia fiant: & quos Dominus per misericordiam suam, non per merita saluare voluerit, quieti sint & libere recedant: & quos iniquitas culpæ, non Dominus damnauerit, iustitia regis de ipsis iustitiam faciat. Barones vero qui suam habent curiam de suis hominibus, videant ut sic de eis agant, quatenus erga Deum reatum non incurvant, & regem non offendant. Et si placitum de hominibus aliorum baronum oritur in curiis suis, adsit ad placitum regis iustitia, quoniam absque ea placitum finiri non licet. Si qui barones iudicia non habent, in hundredo, vbi placitum habitum fuerit, ad propinquiorem ecclesiam, vbi iudicium regis erit, determinandum est, saluo iure baronum illorum.

X.

Omnis qui habuerit triginta denariatus viuæ pecuniaæ in domo sua, de suo proprio, Anglorum lege, dabit denarium sancti Petri: & lege Danorum dimidiam marcam. Iste vero denarius debet submoneri in solennitate apostolorum Petri & Pauli, & colligi ad festiuitatem quæ dicuntur Ad vincula, ita ut ultra illum diem non detineatur. Si quispiam detinuerit, ad iustitiam regis clamor defera-

Concil. Tom. 25.

Vuu

tur, quoniam denarius hic eleemosyna regis est : iustitia vero faciat denarium reddere, & forisfacturam episcopi & regis. Quod si quis plures domos habuerit, de illa vbi residens fuerit in festo apostolorum Petri & Pauli denarium reddat.

XI.

Videtur
hoc caput
additum
esse tempore
Henrici II.

Ecclesia li-
bera fuit a
danegeldo
vsque ad
tempus
Vvilielmi
Rufi.

Danegeldi redditio propter piratas primitus statuta est: patriam enim infestantes, vastationi eius pro posse suo infistebant. Ad eorum quidem insolentiam reprimendam, statutum est danegeldum annuatim redi, scilicet duodecim denarios de vnaquaque hida totius patriæ, ad conducendos eos qui piratarum irruptioni resistendo obuient. De hoc quoque danegeldo libera & quieta erat omnis ecclesia, & etiam omnis terra quæ in proprio dominio ecclesiæ erat vbicunque iacebat, nihil prorsus in hac tali redditione persoluens, quia magis in ecclesiæ confidebant orationibus, quam in armorum defensionibus. Hanc itaque tenuit Anglorum ecclesia libertatem vsque ad tempora Vvilielmi regis iunioris, qui Rufus vocabatur: donec eodem a baronibus Angliae auxilium requirente, ad Nortmanniam retinendam de Roberto fratre suo, cognomento Curtehoſe, Ierusalem proficidente, concessum est ei, non lege statutum tamen, neque firmatum, sed hac necessitatis causa, ex vnaquaque hida sibi dari quatuor solidos, ecclesia non excepta. Dum vero collectio census fieret, proclamabat sancta ecclesia suam reposcens libertatem, sed nihil profecit.

XII.

Pax regis multiplex est: illa enim data manu sua, quam Angli vocant *cynninger bonde sealde grith*: alia, die quo primum coronatus est, quæ dies tenet octo: in natali Domini, dies octo: in paschate, dies octo: in pentecoste, dies octo, &c. *Infra*. Mambote vero (id est compensatio domino persoluenda pro homine suo occiso) Anglorum legi, regi, & archiepiscopo, tres marcas de hominibus eorum propriis: sed episcopo eiusdem comitatus, & consuli, & dapifero regis, viginti solidos, baronibus autem aliis, decem solidos, &c.

XIII.

Thesauri de terra regis sunt, nisi in ecclesia vel in coemeterio inueniantur: & licet ibi inueniatur, aurum regis

est, & medietas argenti, & medietas ecclesiae vbi inuen-
tum fuerit, quæcumque ipsa fuerit, vel diues, vel pauper.

XIV.

Rex autem qui vicarius summi regis est, ad hoc est
constitutus, ut regnum terrenum, & populum Domini,
& super omnia sanctam veneretur ecclesiam eius, & re-
gat, & ab iniuriosis defendat, & maleficos ab ea euellat
& destruat, & penitus disperdat: quod nisi fecerit, nec
nomen regis in eo constabit; verum, testante papa Ioan-
ne, nomen regis perdit. Cui Pippinus & Carolus filius
eius* necdum reges, sed principes, sub rege Francorum
stulto scripserunt, quærentes si ita permanere deberent
Francorum reges solo regio nomine contenti. A quo
responsum est: Illos decet vocari reges, qui vigilanter
defendunt & regunt ecclesiam Dei, & populum eius,
imitati regem Psalmographum dicentem: *Non habitabit psal. 100.
in medio domus meæ qui facit superbiam*, &c.

XV.

Archiepiscopi, episcopi, comites, barones, & omnes
qui habent sacham, & socam, thol, team & infangthefe,
etiam milites suos & proprios seruientes, scilicet dapife-
ros, pincernas, camerarios, coquos, pistores, sub suo fri-
borgo habeant. Et item isti suos armigeros, vel alios fi-
bi seruientes sub suo friborgo. Quod si cui forisfacerent,
& clamor vicinorum de eis assurgeret, ipsi tenerent eos
rectitudini in curia sua: illi dico qui haberent sacham, &
socam, thol, & theam, & infangthefe.

XVI.

Sacha est, quod si quilibet aliquem nominatim de ali-
quo calumniatus fuerit, & ille negauerit, forisfactura
probationis vel negationis, si euenerit, sua erit.

XVII.

Socha est, quod si aliquis querit aliquid in terra sua,
etiam furtum, sua est iustitia, si inuentum fuerit, an non.

XVIII.

Thol (quod nos dicimus telonium) est, scilicet quod
habeat libertatem vendendi & emendi in terra sua.

XIX.

Theam, quod si quispiam aliquid interciet super ali-
quem, & interciatus non poterit vvarrantu suum habere,

Concil. Tom. 25.

V u u ij

Que pra-
terea se-
quuntur
apud Lam-
bardum in
hoc capite
de officio
regis, & de
iure & ap-
penditii
coronæ re-
gni Britan-
nia, cum
epistola
Eleutherii
pape ad
Lucium re-
gem, non
habentur
aut in no-
stro manu-
scripto aut
in Hovede-
no.

erit forisfactura sua, & iustitia similiter de calumniatore, si defecerit.

XX.

Omnis enim qui habet sacha & socha, tol & them, & infangdthefe, prædictas videlicet consuetudines, iustitia cognoscentis latronis sua est, de homine suo, si captus fuerit super terram suam. Illi vero qui non habent has consuetudines, coram iustitia regia rectum faciant in hundredis, vel in vvapentachiis, vel in scyris.

XXI.

Sciendum quoque quod omnes Iudæi, vbi cumque in regno sunt sub turela & defensione regis, ligea debent esse, nec quilibet eorum alicui diuti se potest subdere sine regis licentia. Iudæi enim & omnia sua regis sunt. Quod si quispiam detinuerit eos, vel pecuniam eorum, perquirat rex, si vult, tamquam suum proprium.

XXII.

Vsurarios quoque defendit rex Edvardus, ne remaneret aliquis in toto regno suo. Et si quis inde coniunctus esset quod fenus exigeret, omni substantia propria careret, & postea pro exlege haberetur. Hoc autem afferebat ille rex se audisse in curia regis Francorum, dum ibidem moraretur, quod vsura summa radix omnium vitiorum est.

LEGES ALIÆ EDVVARDI REGIS
NORTMANNICO IDIOMATE CONSCRIPTÆ.

TITVLI LE GVM ECCLESIASTICARVM.

- | | |
|--|--|
| I. <i>De pace sanctæ ecclesiæ, & asyli iure eidem concessio-</i> | III. <i>De denario sancti Petri (seu Romescot) pendendo.</i> |
| II. <i>De eo qui monasterium, seu ecclesiam, vel domum frege-</i> | IV. <i>De renuentibus sancti Petri denarium pendere.</i> |
| <i>rit.</i> | V. <i>De intestatorum bonis.</i> |

P R A E F A T I O.

Ces sont les leis & les coutumes que le reis Vviliam grauntat à tut le puple de Engleterre, apres le con-

Hæ sunt leges & consuetudines quas Vvilielmus rex concessit uniuerso populo Angliae, post terræ acquisitionem: